

Inatsisartut suleriaasianni § 37, imm. 1 naapertorlugu, matumuuna Naalakkersuisunut imaattunik apeqquteqarpunga:

Naalakkersuisunut apeqqutit:

- 1. Nunanut allanut tunngasutigut periusissiap nutarterneqarnissaanut isumaqatiginninniarnermut partiit tamarmik qaaqquneqarnerannut Naalakkersuisut uppersaatissaqarpat? Akisummut saaffiginnissutit tamaasa ulloq, nalunaaqutaq, qanoq nassiunneqarnersut (allakkat/e-mailit/ataatsimeersuarnissamut qaaqqusissut) kikkullu tigusarineraat ilanngunneqassapput. Aammattaaq qaaqqusissutit assiliartaat ilanngunneqassapput kiisalu partiit sorliit qaaqqusissutitut taakkununnga tusarnaarsimanersut, kikkut ataatsimiinnernut peqataasimanersut suullu oqaluuserineqarnersullu kiisalu Ataatsimiinnernit oqaluuserisassat ilanngunneqassapput.**
- 2. Nunanut allanut tunngasutigut periusissiaq pillugu 1. januaari 2025-miit Naalakkersuisut Naleqqamut saaffiginnittarnerat qanoq amerlatigippat? Akisummut saaffiginnissutit ullui imarisaalu Naleqqamiillu akisoqarsimanngippat, akissuteqarnissamut noqqaassutit (ullui imarisaalul ilanngunneqassapput.**
- 3. Naalakkersuisut nunanut allanut tunngasutigut politikikkut periusissamik missingiummik missingiutinilluunniit nutartikkanik peqarpat? Akisummut qaqugukut suliarineqarsimanersut, kikkunnut nassiunneqarsimanersut tusarniaassutigineqarsinnaasullu qaqugu qaangiussimanersut ilanngunneqassapput.**
- 4. Nunat susassaqtullu sorliit Namminersorlutik Oqartussanit pisortatigoortumik ataatsimiigiaqquneqarsinnaanersut suleqatigineqarsinnaasulluunniit pillugit Naalakkersuisut sunik tunngavilersuippat – ilaatigut Namminersorlutik Oqartussat nunani tamalaani pillaatisianik ataqqinninnissaat namminerlu najoqqutassiaminnik pingaartitaqarnerminnullu ataqqinninnissartik qanoq qulakkeersinnaassavaat?**
- 5. Kalaallit Nunaata imminut napatissinnaanissaa pillugu sinaakkutissatut isumaqatigiisummut isumaqatiginninniarnert partiit tamarmik siusissukkut peqataatinneqarlugillu peqataatinneqarnissaat Naalakkersuisut qanoq qulakkeerpaat? Akisummut aqutsisooqatigiit, tusarniaasimanert piffissallu qanoq ilinerani suliarineqassanersut ilanngunneqassapput.**
- 6. Nunanut allanut tunngasutigut periusissiamik nutaamik suliaqarnissamut Naalakkersuisut piffissaliussaqtarpat, ilaatigut partiit tusarniaaffigineqarnissaat, tamanut tusarniaaneq akuersissutigineqarnissaallu pilersaarutaasumik? Akisummut qaqqussutissat tusarniaanermullu allagartat nunanut allanut**

tunngasunut periusissiaq pillugu nassiunneqartut (2025-miit maannamut), Partiit ataatsimeeqataasimaneri/periusissiaq pillugu ataatsimiinnerit, isumalioqatigiissitsinissamut pilersaarut tusarniaassutigineqartoq, periusissiamut missingiutaasut tassungalu tusarniaasimanermi akissutaasimasut allattorneri, nunanut allanut qaaqqusinissamut piumasaqaatit allattorsimaneri pillagassanngortitsinerlu qanoq malinneqarsinnaasoq, isumaqatigiissutip qanoq ingerlanissaanut allagaatit (suliassat, piffissaliussat peqataatitsinerlu) ilanngunneqassapput.

(Inatsisartunut ilaasortaq Jens NapãôK', Naleraq)

Tunngavilersuutit:

Ernumanartorujussuuvoq Nunanut allanut Naalakkersuisup tamanut ammasumik oqarnera partiit tamarmik, taamalu aamma Naleraq, nunanut allanut politikkimut periusissiaq nutaaq pillugu isumaqatiginninniarnissamut qaaqquneqarsimasut — tamannalu sakkortunerpaamik ilmuunnginnerartariaqarpara. Qinigaasutut Naleqqami gruppimilu siulittaasutut politikkikkut oqaaseqartartutut taamatut isumaqatiginninniarnissanut allakkatigut oqaluutsitulluunniit qaaqusaasimanngilanga. Naalakkersuisut ilaasortaata tamanut ammasumik akerleriissutaasumik oqarnera uanga partigalu qinikkatut akisussaasutut tatiginartuunitsinnik apeqqusiivoq, tamannalu ernummatigilluinnarpara. Inatsisartuni ataatsimiititalianilu suleqatigiinnerup tunngavigisaa tatigeqatigiinneq ajoquserneqarpat.

Apeqqutit taakkua siunertaraat suliap sukumiisumik paasineqarnissaa uppersaatissanillu tigussaasunik tunngaveqartinnissaa, taamaalilluni Inatsisartunut innuttaasunullu erseqqissumik paasissutissiisoqarsinnaalluni.

Nunanut allanut politikkimik suliaqarnermi tatiginartuussagaanni tamakkiisumik ammasuunissaa partiillu tamarmik peqataatinneqarlunnarnissaat pisariaqarpoq – oqaatsit atorlugit “taamaaliortariaqaralarpoq”-mik innersuussineq naammanngilaq. Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.